

爾乎。又按湏波部氏及通法寺文書。倭漢合運曆。弘和二丰閏正月。正儀與山名氏清戰于平尾。見敗。其族死者六人。士卒死者百四十人。保舊要害云。蓋先是。賴之處正儀于河內。委以內地。謀講和也。賴之罷職就國。義將代之當路。貶斥正儀。義將令澁河長壽王書可徵使氏清侵奪內地。於是正儀露本色。與義滿絕。鎮內地。扞行宮。與氏清戰。不克。保赤坂。千早等乎。併錄備後考。

按正儀左衛門尉。園大河內守。寺院左馬頭。太平左兵衛督。花營三代記參議。觀心寺其在北地。北朝授

中務大輔。通法寺渡邊氏文書

花營三代記。楠木下向河州十七箇所云云。所謂十七所者。河州北地。瓜破等乎。係于丹北郡。瓜破城見於花營三代記

按正儀卒年月未詳。蓋在元中丰中矣。

按河州北山氏系圖。正儀之子有正勝。攝州寺內氏系圖。正儀之子有正秀。一有正勝。無正秀。一有正秀。無正勝。蓋同人改名乎。

花營三代記。康曆元年七月。義滿拜賀行列中。有楠刑部少輔正直。似為正儀之子。後不見。

古來相傳。正儀之子正元。狙偵義滿。欲刺之。事發。見殺。未。知。所。出。後。崇。光。院。記。永。亨。元。年。楠。五。郎。左。衛。門。尉。光。正。法。名。常。泉。匿。於。南。都。搜。索。見。殺。或。謂。此。乎。其。後。子。孫。相。繼。奉。行。宮。遺。裔。屢。舉。兵。到。于。文。明。年。中。云。
諸家文書

行在或問下

余平素有所漫錄。曰恬居雜記。今舉數條附于此。
竊惟我邦。皇祚無疆。自藤原氏攝籙以降。事故相仍。威福轉移。海內之權歸於北條氏。後醍醐帝天姿英拔。履涉艱難。克誅北條氏。其烈赫著。是時內有四房。外有正成。所諮詢謀度。非之其人。帝亦頗好典籍。於是時。帝嚴恭寅畏。不敢荒寧。銓定公家武家爵祿。及功臣賞格。無偏無黨。建用皇極。則恢復之業立。四海寧一矣。然其所為反是。遺孽始艾。大亂因生。竟至致足利氏大興。帝南幸矣。先是武家握權已久。而朝廷暴屈卑之。武人咸恚怒焉。亂之又生。雖本乎帝之

愆德其所胚胎。已在此也。異邦聖王繼前代制禮樂。必有所損益。以維持六七百年。後世開國之主。雖不及乎此。亦觀時勢。制治體。得保二三十年。帝之業不出乎此。一朝土崩。遺圖不振。悲哉。

太平記載公卿奏議。有不可信者。如藤原藤房龍馬之諫類是也。其記載出雲州貢馬。奇偉駿絕。號龍馬。帝玩賞。以爲天馬。屢臨觀焉。一日公卿畢集。帝問天馬之來。符應何如。藤原公賢稱其嘉瑞。群臣皆奉賀。帝得意甚。藤房後至。帝又問之。藤房稱漢文光武。與周穆之事。判其却用吉凶。遂因緣乎其馬。悉放舉當

時秕政。譏短論駁。無復餘蘊。帝勃然。群臣失色。以余觀之。必不然。夫藤房以忠良之懿。居納言之職。帝信任亦舊矣。其諫說啟沃。必承間察幾。親容懇到。使帝感悟悔悛而止。其前後所匡救補益。可想也。及帝志滿欲飽。怠縱荒淫。誨諫之不行。即決然而作。悔其蹤跡。是所以爲藤房也。如帝問天馬之應。延對以周漢之故事。必有之矣。抑當帝觀遊娛樂。公卿會集之時。事非有緩急。而攢然斥短。一時得失。竦動四座也。不徒無益。將杜他日納諫說之路。是悻悻自喜。沾虛譽者之所爲也。誰謂藤房有此事也。如其所諫說啟沃。

必絕口焚草。不泄乎人間。孰得聞知之。此條記者舉俗說。巷議託諸藤房。其意欲崇藤房。不覺反賊其人。如此類。讀者察諸。嗚呼大厦之將壞。非一繩之所支也。藤房去之。正成死之。

太平記載。尊氏反。源義貞賜節刀。東伐屢戰連捷。敵大沮。若義貞徑進。尊氏不得保鎌倉矣。義貞緩。故敵復蘇。余按梅松論。不然。直義之敗于海道。與諸將退保箱根。扼大師于其險。義貞來攻。不為遲緩。先是尊氏陽引違詔之罪。陰結衆人之心。又簡小山結城等自備。聞直義之敗。即率其精兵趨於足柄。敗偏師。擣

大師之後。使其不戰潰散。其兵略出乎義貞之上矣。論者又謂。義貞將西赴。眷戀邦媛。怠失兵機。竟致朝廷之傾覆。亦非公論也。尊氏之奔。使老僧狡黠。若赤松當大師衝要。細川舉族據于四國。其他族人諸將分樹山陽山陰。又還佐竹於東國。其臨狼狽之時。施後拒方略。極精當。而躬率親戚麾下赴海西。其意固有九國。義貞躡尾亦難捷矣。此時朝廷失控駁之道。海內喁然。望武家復興。而尊氏奸猾雄略。蓋籠一世。其視帝之為。如祿山之於明皇。雖諸將勇謀。亦知其無能為而已。夫驅將背之衆。向受降之敵。其勝敗不

待戰而決矣。豈獨罪義貞乎。

吾藩之佐田氏出乎新田氏。有世譜舊記。世間所未見。故今舉其三條。

義貞之父曰滿氏。初名氏光。早死。祖父朝氏養義貞為嗣。義貞年十三。將加元服。朝氏曰。汝父初名氏光。汝今繼之。名汝曰氏繼。可乎。義貞曰。小子聞之。先人之加服也。延足利家時為帽父。家時授先人初名。其後先人自改後名曰家時。汝甚。自處以宗家。視我以支流。吾豈默默自貶家尊乎。今小子雖劣。承其適宗。義不欲處支流。朝氏奇之。蓋新田足利兩流。名加氏。

字者。宗子踐之。支子戴之。故滿氏義貞云。

義貞年十七。謂族人曰。吾家世世任朝廷爪牙。討叛撥亂。義不貞則不可。自名曰義貞。謂弟小次郎曰。吾舉義則義宜為其助。延名之曰義助。後醍醐帝在笠置山。義貞欲舉兵。馳使者乞綸旨。未到。行在陷。義貞輟。

尊氏之西遁。帝勅義貞。管領山陰山陽十六國。寤討之。義貞拜稽首曰。臣奉此詔也。生則有榮焉。死則有名焉。臣不敢愛死。又不敢離詔書。願生死服之。帝嘉之。更小詔書。賜之。便置于甲冑間。

吾藩之名和氏。伯者守長年之裔也。長年之孫顯興。從征西親王于肥後。為彈正大弼。領八代宇土等邑。家傳伯者卷。寬正中。其曾孫顯忠。祇役于京師。及長門海上。遇惡風。裝資多沒。伯者卷亦在其中。其後八代漁者。獲大石首魚。獻諸顯忠。顯忠獲伯者卷于其腹中。無有敗損。迺祠祀其魚云。其裔事于吾藩。其伯者卷系圖今存。

吾藩之五條氏。少納言清原賴元。左馬權頭賴治之裔也。賴元從前征西親王。任內外之事。甚見倚賴焉。賴治從後征西王。有功。至于元中十二年。猶奉王禦敵。王賜書嘉之。世世領州之矢部大淵等。相傳到于近世。家藏行在勅書。征西將軍令旨等。又藏金烏之幟。征西王之所賜云。其文書載于鎮西文書編年錄。柳河藩牧園豬識。

2104

不在或限

五 (

文政十二年丑十月

京都堀川高辻上ル

植村藤右衛門

三都

江戸淺草新寺町

和泉屋庄治郎

書林

大阪心齋橋南四丁目

吉文字屋市兵衛

